


書名		
版別	冊數 6	紙
定價	15.00	
編目	字號	號
117142		

北310.79
42
1/6



德化縣志
二十六年五月
陳儀題



德化縣志序

孫宗侯印

邑視古比諸侯邦志實昉於史古今陰陽遞嬗陵谷遷更矧如政治之沿革人文之盛衰莫不載筆而書考商頌存闕竹書紀年雖曰徵信後世亦所以旌往勸來耳德化爲龍潯古治地唐長興始建縣相沿爲溫陵七治之一後改隸永春萬山嶽峯丁水環迴輿圖稱壯麗焉允黃判質膏田多稼固一足衣食知禮義之名區遜清吏治綠敗綠林輩起積匪張雄南張克武周公輝之輩嘯聚數千橫行於永德仙大四縣邊境人民顛沛流離如沸鼎鑊我政府屢撫以恩終復携貳濫流所至風尚日非見者憂之廿八年春余奉命率師抵縣從事清勦左縈右拂摧陷廓清凡半稔閩中心腹之患於焉告除茲於戡亂之餘撫輯流亡均賦繕兵斯爲當急之務爰環採地方掌故資爲善後方策計蒐得本縣志稿若干本冀獲一得之見瀏覽一遍知志已年久失修去歲將付梓而未果者若然類年禍亂相仍其來誠有自矣今印志諸董事先生補八百餘年之墜典與余若有默契因慙慮速壽梨棗殺青之日復

德化縣志

序

屬余系以一言時值布穀聲喧四邑瘡痍漸起校獵之暇勉草數行附諸簡末後之牧司土者殷鑑其在茲乎

中華民國二十九年五月

日福建保安第三旅旅長茂名梁爲焯

重修德化縣志新序

縣之有志猶國之有史也凡關於政治之利弊人文之興衰風俗之淳薄山川之異同物產之豐虧咸筆之於書以供後人之考據與警惕法至善矣維攷德化地居全閩中部山崇嶺峻物富人稠洵有土有人有財有用之區也迨後唐長興間始建爲縣自有宋以迄明清每得賢有司出宰斯地布絃誦以育賢才砥廉節以正風俗浸假而造成尙儉樸重節義知廉恥興禮讓之文獻名邦矣惜自晚近以來人心不古逆賊倡亂人民疾苦我政府爲澈底肅清匪患解除民困起見乃發兵剿之時余亦參與戎行隨保安處黃處長（珍吾）蒞德協助清剿工作曾未幾時巨寇授首小醜就範討逆軍事已告結束善後事宜于焉開始而余亦於此時奉檄調署縣篆下車採風得蘇育南先生檢其志稿袖余並屬撰文余以當此地方救平之際適逢本志纂成之日慶河山之無恙喜文獻之有徵爰於付梓之時不揣謏陋濡毫以爲序

中華民國二十九年四月二十二日

德化縣縣長楊喻仁

德化縣志

重修德化縣志序

州邑之有志乘蓋舉一切沿革筆之簡編所以信今傳後得資參考借鏡存國故於無窮也余於廿五秋奉命蒞德宣化始至之日伏戎未剪荆棘載途廬井不修遑問文獻幸仗政府德威不匝月盪滌邪穢天日重昭地方秩序日就救寧 上峯察其尙能稱職調攝縣篆居職伊始日惟修己有虧撫字遺憾是懼况萑苻四境待淨根株庶政如絲振其端緒兢兢听夕亦既半年瘡痍漸復興革事宜大致完滿乃與邑紳王君石峰鄭君石甫輩徵詢邑乘知重修之稿已於數年前完成因尙須縝密校訂後而付梓亟取閱固哀然巨帙惜體裁間有與現代思潮相背復禮聘蘇君育南方君如玉陳君其英林君泉諸同志重加審訂糾謬刪繁去疵存粹又將民國來教育建設諸大事附記於末成爲善本正擬付諸剞劂適余患病假歸將稿移交後任流光如駛忽忽又一年於茲江山猶壯惆悵重來蓋稿仍塵封而石峯石甫二君已先後作古余不禁喟然長歎繼思此稿必待余手而梓成之不可謂非余

德化縣志

緣獨厚爰攬黃心田柯杰夫李書植曾天民唐又新吳天錫陳紹青諸君董事付刊因述始末而爲之序

中華民國二十八年三月

德化縣縣長朱朝亨撰

重修德化縣志序

余於民國八年秋承乏本邑適北京圖書館徵取邑志徧求一全書而不可得搜檢舊版亦復散失過半思所以修輯而刊印之又以時值軍興吏疲拮据民勞征輸無暇及此此所以有志而未逮也比者烽煙頓息民勞汔可小休余又謬承鄉里選舉再知邑事時有徐君傑三同城駐防懼載籍之就湮以續修相商推余喜其志合道同且念國體改革世局已等滄桑科舉既停老成僅存碩果及今不脩必有文獻不足之慮爰詢邑中嗜舊駐省諸公僉曰可於是先之以討論繼之以採輯然後延前輩之有學識與新進之傑出者從事編輯而余則力任籌款時加督促閱十月而稿竣取而閱之見其志地志事志人體例雖無甚變更而闕者悉補陋者悉文訛者悉正燦然明備視昔有光至若志物產而勸以振興實業志風俗而示以破除迷信志藝文則取其有關政教與立言之堪垂不朽者尤見其關心桑梓故能於徵文考獻之中隱寓潛移默化之意信乎是書之有裨於民生吏治足以垂法鑒而

德化縣志

示來茲非苟作焉已也後之官斯土者得是編以資考據其於治理已措之而裕如生斯土者誠戶置一册觸目會心亦可曉然於一邑之掌故且因是景仰前徽爭自樹立安知文章功業不可媲美曩哲爲志乘增光也哉余故而喜書之

中華民國十六年丁卯十二月

代理德化縣知事方清芳撰

續修德化縣誌序

吾邑志乘自乾隆丁卯壬子一再續修迄今百五十餘年幾遭兵燹家鮮藏書卽有父老能言大略亦無異白首宮人說天寶遺事耳客冬同學方生芝廷知本縣事徐生傑三同時駐防本邑關心文獻以重修志事屬余余時方與郭君希淵分纂永春縣志未之應也旣而邑中縉紳先生以舍己芸人相責且云丁卯舊志爲余先人手訂成編距今代遠年湮其間封疆有變置戶口有增減賦役有盈縮人物有盛衰學校有隆替城池兵衛有因革橋樑陂池有興廢正宜及時纂修以繼祖志况夫忠孝節義文章功業有卓乎不可磨滅者尤不可聽其湮沒不傳余聞而滋懼知義之不容辭也乃歸自桃源與諸君子共任厥事時取先人手稿朝夕規摹蓋以先六世祖家貧力學熟於掌故故其修邑志也悉本其平日讀書所得與其見聞所及而又採凌范兩家之長依正史體裁而敘次之釐舊編新綱張目舉魯侯所稱許者以此余之所取法者亦在乎此若夫搜載籍於兵火灰燼之餘發幽潛於戎馬控

德化縣誌

序三

總之際實賴諸君子苦心孤詣余不過參互考訂相與有成即間有正其訛謬補其闕遺亦志所當志去所不當志而已知我罪我不暇計也竊嘗考之邑志成于丁卯者三今歲重修又逢丁卯雖曰事出偶然未可信爲定數然乾隆壬子僅刊稿本尙未成書道光庚寅志稿進呈奉駁中止至於光緒壬午幾費搜討僅續秩官一門厥後甲辰則作而旋輟民國丁巳祇議而未行茲當大兵之後百廢待興竟得詢謀僉同以是爲當務之急舉百年之殘缺以十閱月成之不可謂非天之留以有待而余以憂患餘生得以希附末光更不可謂非遭遇之幸也讖曰水流丁羅簪纓其卽應於此乎

中華民國十六年丁卯十二月

詒白後人王光張撰

德化縣誌目錄

卷一

目錄

凡例

歷次修誌姓氏錄

舊序

卷二

沿革志 沿革表

卷三

疆域志 星野(附圖表) 封圻 市廛 形勝 附風俗

卷四

山川志 山 陂井 川 橋渡 附物產

卷五

古蹟志 樓亭 塔 勝跡 龍潭

卷六

建置志 城池 公署 試院 堂 倉 附院 堂 義塚

卷七

賦役志 戶役 田賦 支應 屯糧 協濟 解司 物料 羨耗

卷八

學校志 學宮 學祠 崇祀 學位 書院 釋奠 社學 廟樂 各等學校

卷九

祠宇志 壇廟 宅墓 附寺宇

卷十

禮儀志 典禮 鄉約 鄉飲酒 祭祀

卷十一

武衛志 兵制 教場 險要 盜警 汛塘

德化縣誌

卷一

目錄一

卷十二

職官志 文職 武職 名宦 官績

卷十三

選舉志 甲科 武弁 薦辟 蔭襲 援例 封贈 揀吏

卷十四

人物志上 忠烈 鄉賢 治行 文學 孝友 鄉行

卷十五

人物志下 隱逸 僑寓 方技 釋道 耆壽 列女

卷十六

藝文志上 詩 賦 序 跋

卷十七

藝文志下 記 碑文 雜禮文 書 疏

卷十八

德化縣誌

祥異志

卷十九

撫佚志

附建國後教育建設大事記

凡例一十七則

一續修志乘必蒐集歷來舊志以資參考德化縣志清以前無可考今所存者康熙范志殘缺不全乾隆江志僅刊底稿惟乾隆魯志較爲完備故取是書以爲根柢而以范志參互折衷爲綱仍一十有六目則九十有五雖與舊志稍有變更要期綱舉目張非故爲示異也

一曆來舊志只列總修分修姓氏餘則弗及茲自主修總修分修協修參校參閱參訂以及採訪諸人概行列名以見修飾潤色與蒐羅考證者皆有功焉

一此次續修雖由在局諸人分門編輯迨全稿告成仍集採訪諸君互相考訂必使衆口一詞方敢錄刊是非既出諸公闕略或可共諒

一乾隆丁卯志係邑侯魯公所修每志冠以小序殿以論斷均極淹貫古雅今仍其舊錄之祇將改革處略爲增減示不敢忘先正也

一山川脈絡最宜詳晰庶循其脈絡乃可知其原委范志敘山川倣禹貢成

德化縣誌

卷一

凡例三

文凡山巒之險夷幽奧川澤之曲折交匯筆而出之非身歷其境者不能有此條分縷析而魯志謂其拘於脈絡東西莫辨悉爲刪去別山與川而二之另次其遠近分合不知舍脈絡而言遠近分合次第既不能無訛規以里社反錯出不倫今略師魯志成法山雖由近及遠而以標列里社爲範川則以滄溪爲大幹而衆流之匯合入于永福與不匯滄溪而分流於鄰邑者亦莫不分別詳敘並將范志山川附存於後庶展卷間瞭如指掌焉

一物產一門舊載頗詳惟值此振興實業時代各省大都改良制作以應潮流吾邑雖僻處一隅大宗土產多堪發展茲擇要著論俾有心實業者得資研究而企新圖况自海禁大開以後由外洋輸入穀蔬果品種類甚多取其內地所宜植者增入以備農業家採擇

一賦役自咸豐三年迄今迭遭兵火檔籍無存中間糧額戶口雖有增減無從考核現值大局未定二者更無可稽只得從缺惟向納泉州府永春州

各屯米現已仍歸本縣徵完特爲詳記其改歸原因合併額數俾後來覽者知新政之便民而免一戶兩徵之苦

一舊志學宮附建各祠或不載地址或全闕祠名且忠義孝悌作興學校崇祀之人亦缺而不登今悉查明列入並將祠宇志序列失當者細加釐訂以存體制而昭祀典至禮儀一門現代多不適用亦酌留存聊以志一朝制度已耳

一祭聖奏樂典禮攸關舊志僅載樂章而樂器舞器樂譜舞譜以及作樂用法諸多闕略因參酌通志及各縣志補入以存古樂復將列朝頒立學宮扁額及崇祀之歷代要典從祀之姓氏位次一一備錄庶後之景仰 先聖者得所考證焉

一寺觀神廟所在皆是若必一概登載殊嫌瑣屑今以魯志爲準已載者不刪未載者不入

一名宦宦蹟乃稱官于斯土而賢者改附于職官題名後較得以類相從之

德化縣誌

卷一

凡例 四

例

一舊志科目甲乙榜詳其名次貢生分恩拔副歲視范志可謂詳矣茲文武甲乙榜均先書某科或某恩科某人榜然後依次列名貢生則於名下旁注某科某年更使閱者一目了然至欽賜始於乾隆季年捐例濫自光緒中葉因附載欽賜於甲乙榜之後及捐例之代理官缺者亦概爲列入一古籍先哲有政績行誼允符輿論者既各爲立傳其或一節可取則注於科目封贈蔭襲捐例名下以示有善必錄之意職官亦如之

一詩賦雜文必取其有關政教裨世道及與本邑風土相關係者方敢登錄若名人遊覽題詠概附山川古蹟寺宇各門其無可附者略存一二亦以其人足重與其著述之足傳也

一魯志內多列自著詩文及當時生人題詠雖意在鼓舞文風究於志例未合此次重修除登志序外生存之人雖有佳作概不列入

一五行志舊只載金火水而不及土木是五行已闕其二名實似覺不符爰

易五行爲祥異凡反其常者書之庶觸目警心藉以推測休咎而時加修省防禦焉

一是志成于民國十有六年而志事志人則止于遜清末造非舍近圖遠也誠以國體既更綱紀法度日新月異而歲不同故終以清末結束一朝掌故亦止所當止耳繼往開來端俟後之君子

德化縣誌

卷一

凡例 五

德化縣志卷之一

歷次修志姓氏錄

萬曆甲辰以前僅傳邑紳
凌輝纂修今無其書

萬曆甲辰年修志主修者兼總修知縣事周佑

分修者 闕名

天啓丁卯年續修主修者兼纂修知縣事桂振宇

總修者 生員徐育元

康熙丁卯年修志主修者兼總修知縣事范正輅

分修者 教諭鄭默

訓導方祚隆

邑進士林 模

舉人林汪遠

乾隆丁卯年修志主修者兼纂修知縣事魯鼎梅

校訂者 補舉人李青震

德化縣誌

卷一

修志姓氏 一

總修者 邑進士王必昌

分修者 舉人林昱 舉人李志昱

歲貢 連如璋 歲貢 鄭惠琇

歲貢 陳開材 生員 毛際泰

生員 陳時夏 生員 林煥彩

生員 鄭文煌 生員 方鵬奮

監生 黃守仁 監生 葉乘龍

生員 謝祈出 生員 張天溱

生員 陳其遇 生員 許應暄

生員 涂廷觀 生員 劉世廣

生員 蘇廷望 生員 張應宿

生員 陳拱璧 生員 陳元斌

生員 賴汝騰 生員 周維新



全全事教十七十六十六十五十五十四十四十一十一十一八八六四一 卷別
 二二一三五十五七廿二四四二二六六卅三三二四十六 頁
 廿二廿一十九四一四六六八十三十八十二十八廿六十九十二 行
 有情 熱心 令諸 墓任 但願 標箱 家從 遺復 水早 錯列 內外 而很 水春 書範 大郭 白西 泉永 先緒 誤表

友情 熱心 令緒 墓在 但願 標箱 家徒 遺腹 水早 移外 內行 而狠 永春 師範 郭大 自西 泉永 光緒 正
 滿教 滿春
 字上 字上
 遺滿



員生陳 崑 員生郭觀光

乾隆壬子年續修主修者 知縣事蔣履

承修者 知縣事楊奇膺

總修者 訓導江雲霆

參閱者 教諭吳維新

分修者 邑人舉徐天球

分修者 員許登俊 員李濬

分修者 員陳芳林 員陳志蔬

校訂者 員鄧金文

校訂者 員賴余濟

道光庚寅年續稿主修者 知縣事王德授

中華民國十六年續稿主修者 知事方清芳

中華民國廿八年主刊者 縣長朱朝亨

德化縣誌

卷一

修志姓氏 二

總修者兼校訂 王光張

分修者 郭達材

分修者兼檢校 鄭玉岡

分修者 曾玉麟

分修者 賴尙論

協修者 甘為節

協修者兼中區採訪 曾其仁

協修者 鄭蘭

參校者 郭俊元

參閱者 林慶瀾

校訂者 陳其英

校訂者 林泉

校訂者 蘇育南

採訪者中區

校訂者
曾德元

方如玉
張廷昌

蘇御中

林慶治

李捷登

陳葆熙

郭誠敬

採訪者東區

黃其瀾

黃其文

查掄元

王忠猷

許樹椿

徐言書

林韶成

危自雄

周炳星

採訪者南區

鄭啓勳

顏

張宗江

徐振文

採訪者西區

陳朝宗

劉其相

德化縣誌

卷一

修志姓氏 三

郭大經

林大任

陳國謨

連書銘

徐學朱

徐步雲

涂紹儀

採訪者北區

賴其藻

賴錦標

劉鵬程

陳順謙

陳慶南

陳昌言

陳福廉

陳維翰

蘇永範

林大年

郭章貴

蘇守正

蘇思孝

舊序

萬曆甲辰修志序

湖廣參政永定沈孟化



郡若邑各有紀乘微論減省煩劇皆以風土之宜人物之考筆而存之徵信於當世以示來者此蓋權輿於禹貢周禮之職方班孟堅之志地理所自昉矣吾閩中獨溫陵稱形勝奧區人文淵藪龍潯其轄下最古治代各有書明興纂修者再然逕逕趨起旁魄不足徵信示後邑侯周命初先生下車觀風考俗撫恤民隱振作士類一時斐然嚮風三年滿其秩以最考遷荆牂獨山刺史以去時余家伯兄備員邑博士亦以秩滿遷西平命翁慨然曰以余之不穀濫竽斯土者幸三稔於茲耳目之所觀記若人物之俶儻若風教之漸濡若山川之偉麗巖巒之幽奇較之往代更宏鉅而蒸闢烏可令其文采不彰耶乃引新斥陳裒益而纂修之以一編授余而徵余言以爲序余惟志者志其事而撫其實也禹貢所紀田賦高下墳墟黎赤以至篠簜籥箜龜魚之細周禮則及於山藪川浸男女畜擾之粗而班孟堅則又詳於政治風俗奢

德化縣誌

卷一

舊序

儉之故總之於奠民生益治道而要其大則以經濟切世行誼表著當年者爲川岳重余卒業斯編審觀其郊坰繡錯里巷參嵯之謠俗因以知厝注所宜控馭所急用以恢牧愛而暢仁風歷覽其峯巒之嶽業淳泓而淵漱又足以廣其神識而助發其淵軼之思備考其縫掖冠烏之倫如宋蘇欽之潔已奉公林揚休之調閩政績鄭輪鄭軫林洽林瀛並以兄弟登第所至有冰蘩聲爲當代仰止明則有凌侍御風裁敢言人所憚避鄭計部金玉君子時論推戴焉單合浦之水操高尚林樂會之保障瓊海林南陵之却例金清宿蠹均之邁越時流足傳漢循良者誠未易縷指也此其俶儻俊偉之行眞足揚挖千古彪炳來禩曾何不擅其奧區之勝挈其淵藪之精耶周侯於此獨加注存誠有所見於其大矣後之覽者得是志而以發鸞翮揚鳳彩戴雲五華若增而高丁溪龍門若濬而深勵世風徵文獻尙亦有賴哉又何所論其減省其煩劇而不與上國齒也斯編也卽軼班氏而上與禹貢職方並垂不朽夫誰曰不然周侯諱祐江右南城人字君眷命初其別號云

天啓丁卯續修序

知縣長林桂振序

夫載事之書取傳信不取傳贗而邑志更重圖繪山川描寫人物旌既往勵將來於是乎券吏茲土者舉廢葺頽闡微揚幽討實錄而參覈舊編勿沿訛襲舛前後相蒙亦是當官應爲事余下車覽龍潯志反覆披閱人文遞衰遞盛山川風景亦因遞換自周命初甲辰之役歷二十餘禩多宜舉宜葺宜闡宜揚父老鄉紳所傳告者或鼎新或復故則微祿薄錢無不可捐與士民規置兩歲繕營自謂可幸無闕然遺芳隱蹟尙未表影竊欲取舊志而參補未備迺簿書鞅掌未遑旁及忽而臥病倦骨漸生請乞歸田里嘗以一局未了爲歉至三四請而上弗許仍守篆視事而鞅掌如前日竟不獲寄心毫楮修文人之業第當人文浸昌浸熾計不敢以此局諉後人一日命諸生操觚從事諸生逡巡謝不敏必欲借筆名公余固謂忠孝節義亦其人自足重耳豈以名公重耶學者游精翰墨終歲擗管他日纂史翼經直行其志豈異人任而耳目前觀記不能揚挖必乞言文致厚自謙讓爲博士林先生乃晉學院

德化縣志

卷一

舊序

二

屢旌德行生員徐君育元篆筆受事纔匝月彙次成編其藁白余余因而參覈之釐舛彰幽千百年古蹟芳名恍從煙草消沉中頓爲生色向者簪纓紀世茲復蟬聯未易計量行且與大國驅駕中原豈第政和以後諸君子哉若前人已經揚厲不必贅爲潤色卽今採摭增補不敢謬爲鋪張只此三代直心傳信而行後有作者考獻徵文抱心相印則此志爲左券

康熙丁卯修志序

泉州府古燕郝斌

志何昉乎蓋左史倚相能讀三墳五典八索九邱之書九邱者九州也九州之有志自昔已然迨後州分爲郡郡分爲邑郡有紀邑有載總括其旨皆屬爲治之要在乎不沒其實事以傳信於後世耳我皇清宅中出治邁古軼今自世祖章皇帝泊我皇上御極以來剪除暴逆海宇乂安文德誕敷禮興樂作亦旣潤色鴻業矣猶以未臻堯舜之治內外大小臣工皆慎選賢能責其治以加於民殆與上古選德治民之道不謀而合也間有不賢如余者亦濫膺茲選丙寅秋八月來守溫陵顧瞻形勝洵爲閩越奧區人文之盛可與江